



01
331
AB-60

Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-51808/22
Sarajevo, 25.01.2023. godine

SKUPŠTINA KANTONA SARAJEVO

PREDMET : Odgovor na zastupničku inicijativu – dostavlja se

Zastupnica Arijana Memić, na Drugoj radnoj sjednici Skupštine Kantona Sarajevo, održanoj dana 30.12.2022. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo uputila je slijedeću inicijativu Ministarstvu zdravstva Kantona Sarajevo:

„Inicijativa za finansiranje popravke podova i krova bolnice, nastavka rekonstrukcije liftova i obezbjeđenje kadra za projekat razduživanja lijek – pacijent u JU Opća bolnica „Prim. dr Abdulah Nakaš““.

U vezi sa upućenom zastupničkom inicijativom dostavljamo sljedeći

ODGOVOR

1. Saglasnost za zapošljavanje medicinskih i nemedicinskih radnika u javnim zdravstvenim ustanovama daje Vlada Kantona Sarajevo, odnosno Ministar zdravstva Kantona Sarajevo, na osnovu zahtjeva javne zdravstvene ustanove odnosno iskazane potrebe iste za radnicima.

2. U Nacrtu Budžeta Kantona Sarajevo za 2023. godinu, na razdjelu Ministarstva zdravstva Kantona Sarajevo, planirana su sredstva za sanaciju odjela za patologiju i prosekturu u JU Opća bolnica „Prim. dr Abdulah Nakaš“ u iznosu od 550.000 KM i sanaciju ravnih krovova i podova na objektu JU Opća bolnica „Prim. dr Abdulah Nakaš“ u iznosu od 505.000 KM. Iznosi planirani u Nacrtu Budžeta Kantona Sarajevo za 2023. godinu, za naprijed navedene namjene u skladu su sa zahtjevom ove ustanove.

Ističemo da je Ministarstvo zdravstva Kantona Sarajevo prepoznalo značaj i potrebe JU Opća bolnica „Prim. dr Abdulah Nakaš“ čemu u prilog idu i slijedeći podaci:

U Budžetu Kantona Sarajevo za 2021. godinu, na razdjelu Ministarstva zdravstva planirana su sredstva u iznosu od 2.050.486 KM za nabavku opreme i sanaciju i rekonstrukciju JU Opća bolnica „Prim. dr Abdulah Nakaš“. Od navedenog iznosa za sanaciju i adaptaciju dnevne bolnice u okviru JU Opća bolnica „Prim. dr Abdulah Nakaš“ planirana su sredstva u iznosu 208.000 KM, za nabavku ultrazvučnog aparata za Odjeljenje za urologiju JU Opća bolnica „Prim. dr Abdulah Nakaš“ sredstva u iznosu 84.000 KM. U okviru ukupno planiranih sredstava za JU Opća bolnica „Prim. dr Abdulah Nakaš“ odobrena su i sredstva u iznosu 408.486 KM koja su doznačena Kantonu Sarajevo iz Budžeta institucija Bosne i Hercegovine, a koja su namjenjena za saniranje ekonomskih šteta uzrokovanih epidemijom COVID-19.

Pored navedenog u Budžetu Kantona Sarajevo za 2021. godinu, na razdjelu Ministarstva zdravstva, na temelju zahtjeva JU Opća bolnica „Prim. dr Abdulah Nakaš“ planirana su sredstva za slijedeće namjene: nabavka opreme u iznosu od 500.000 KM i izgradnju, rekonstrukciju i sanaciju u



iznosu od 850.000 KM. Obzirom da je za pomenutu namjenu kao izvor finansiranja planirano kreditno zaduženje, ovo ministarstvo tražilo je od JU Opća bolnica „Prim. dr Abdulah Nakaš“ da dostavi detaljne projekte za gore navedenu svrhu. Isto je bilo neophodno kako bi projekti bili prihvaćeni od strane Vlade Kantona Sarajevo i upućeni Ministarstvu finansija Kantona Sarajevo u proceduru kreditnog zaduženja. Ministarstvo zdravstva Kantona Sarajevo se u više navrata obraćalo JU Opća bolnica „Prim. dr Abdulah Nakaš“ zahtjevima da se neophodna dokumentacija dostavi, međutim tražena dokumentacija nije dostavljena, te iz tog razloga nije bilo kreditnog zaduženja za pomenute projekte ove ustanove u Budžetu Kantona Sarajevo za 2021. godinu.

Takođe, u Budžetu Kantona Sarajevo za 2022. godinu, na razdjelu Ministarstva zdravstva, na temelju zahtjeva JU Opća bolnica „Prim. dr Abdulah Nakaš“ planirana su sredstva u ukupnom iznosu od 2.940.000 KM za slijedeće namjene: sanacija fasada i ugradnja termofasada na objektu JU Opća bolnica „Prim. dr Abdulah Nakaš“ u iznosu 690.000 KM, nabavka opreme za održavanje higijene i pripremu i distribuciju hrane u JU Opća bolnica „Prim. dr Abdulah Nakaš“ u iznosu 900.000 KM, zamjena postojećeg sistema ventilacije i klimatizacije u JU Opća bolnica „Prim. dr Abdulah Nakaš“ u iznosu od 350.000 KM i rekonstrukcija i integracija operacionih sala JU Opća bolnica „Prim. dr Abdulah Nakaš“ u iznosu 1.000.000 KM. Navedeni projekti finansiraće se iz sredstava obezbjeđenih putem kreditnog zaduženja Kantona Sarajevo u 2022. godini.

S poštovanjem,


MINISTAR
Prof. dr Haris Vranić

